



Broj: 05-05-15391/14
Sarajevo, 07.06.2014. godine

SKUPŠTINA KANTONA SARAJEVO
-Ovdje-

Zastupnik **g. Damir Čardžić**, na 36. Radnoj sjednici skupštine Kantona Sarajevo, održanoj dana 03.06.2014. godine, u okviru tačke Dnevnog reda, "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, postavio je zastupničko pitanje:

"Svjedoci smo da na području Kantona Sarajevo veliki broj rasvjetnih tijela ne radi. Moja pretpostavka je da su izgorile sijalice i to ne predstavlja nekakav veći kvar.

Ko je odgovoran za kontrolu i servisiranje tj. održavanje javne rasvjete Kantona Sarajevo i kako da isti kvalitetnije obavljaju svoj posao?"

U skladu sa navedenim zastupničkim pitanjem ovo Ministarstvo daje slijedeći

- odgovor-

Kanton Sarajevo u skladu sa svojim nadležnostima obavezan je da osigura trajno i kvalitetno obavljanje komunalnih djelatnosti, osigura održavanje komunalnih objekata i uređaja u stanju funkcionalne sposobnosti, poduzimajući mjere za očuvanje okoliša, te osiguravajući javnost i transparentnost rada.

U okviru Ministarstva prostornog uređenja i zaštite okoliša, Sektor komunalnih poslova obavlja se i djelatnost održavanja i upravljanja sistemom javne rasvjete Kantona Sarajevo, kao i plaćanje utroška električne energije za potrebe sistema javne rasvjete Kantona Sarajevo.

Zakon o komunalnim djelatnostima donijela je skupština Kantona Sarajevo 2004. godine ("Službene novine Kantona Sarajevo ", broj 31/04 i 21/05- Ispravka), a koji tretira navedenu



tematiku.

Doneseni Zakon daje odgovor na pitanja koje se djelatnosti na nivou Kantona smatraju komunalnim djelatnostima, utvrđuje način obezbjeđivanja i obavljanja komunalnih djelatnosti, odnose između davaoca i korisnika komunalnih usluga i izvore sredstava za obavljanje ovih djelatnosti.

Planiranje održavanja i izvođenje održavanja sistema javne rasvjete Kantona Sarajevo u finansijskom i tehničkom smislu je u nadležnosti ovoga Ministarstva – Sektora komunalnih poslova, koji po sistematizaciji radnih mjesta ima stručnog savjetnika za javnu rasvjetu unutar Odjeljenja tehničkih poslova i kontrole nad obavljanjem poslova zajedničke komunalne potrošnje, a koji obavlja stručno-tehničke poslove iz područja javne rasvjete. Proces održavanja se vrši vanjskom uslugom ugovornih izvođača (koji su izabrani u javnom otvorenom tenderskom postupku u skladu sa Zakonom o javnim nabavkama), a na osnovu naloga za rad dobivenih od strane Sektora komunalnih poslova. Izvođači održavanja u ugovorima sa ovim Ministarstvom imaju tačno definisane parametre kvaliteta održavanja i Sektor komunalnih poslova vrši nadzor izvođenja u skladu sa tehničkim normama. Kao primjer vam možemo navesti da se kvarovi na javnoj rasvjeti kao nalog prosljeđuju izvođačima održavanja u roku od 24 sata, a izvođači su po ugovornim odredbama dužni izaći na teren i detektovati kvar u roku od 1 sata. Ukoliko se radi o većim kvarovima na sistemu javne rasvjete (prekidi napajanje, izmještanje stubova, iskopi i slično) otklanjanje kvara se vrši nakon tehničkog obilaska terena od strane stručnog savjetnika za javnu rasvjetu i izvođača i odobrenja predračuna radova. Kod rutinskih zahvata kao što je zamjena sijalica, osigurača i slično otklanjanje kvarova je u toku 24 sata od trenutka prijave kvara od strane građanina ili institucija Sektoru komunalnih poslova.

Tehnički smo dužni da Vam pojasnimo slijedeće, a što je vaše konkretno prvo pitanje : ukoliko je veći potez (cijela ulica ili kvart na području Općine) bez javne rasvjete ne može biti u pitanju samo zamjena sijalica nego može biti u pitanju veći kvar na infrastrukturi javne rasvjete kao što je : prekid kablova napajanja, izgorene sklopke u ormanima javne rasvjete, oboreni stubovi koji povlače za sobom prekid napajanje cijelog zračnog poteza ili isključenje napajanja električnom energijom od strane Elektrodistribucije Sarajevo.

Brzina odvijanja i kvalitet gore navedenog procesa održavanja zavisi od raspoloživih budžetskih sredstava za održavanje javne rasvjete. Planirana sredstva za održavanje javne rasvjete Kantona Sarajevo su od 2011. godine u stalom padu, a povećavaju se kapaciteti za održavanje izgradnjom i rekonstrukcijama postojeće javne rasvjete od strane lokalnih jedinica samouprave.

Planirana budžetska sredstva za održavanje javne rasvjete:

- 2011. godina: 1.405.000 KM;	broj rasvjetnih mjesta 29.000
-2012. godine : 1.400.000 KM	
- 2013. godine: 1.233.900 KM	
- 2014. godine: 900.000 KM	broj rasvjetnih mjesta 45.000

Po planiranim budžetskih sredstvima za 2014. godinu od 900.000,00 KM na mjesečnom nivou imamo linearno cca 8.340 KM / Općini , što je nedovoljno i za sitne opravke na javnoj rasvjeti kao što je redovna zamjena sijalica, osigurača i slično , a kamoli za otklanjanje ozbiljnijih kvarova na



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



infrastrukturi javne rasvjete kao što je zamjena kablova napajanja, zamjena uništenih stubova , rasvjetnih tijela itd, gdje samo jedan kvar troškovno iznosi većinom nekoliko hiljada KM. U duhu raspoloživih budžetskih sredstava Sektor komunalnih poslova je primoran na planiranje održavanja javne rasvjete Kantona Sarajevo po strogim pravilima štednje sredstava i određivanja prioriteta pri odobravanju naloga za izvršenje otklanjanja kvarova.

Kao odgovor na Vaše drugo poslaničko pitanje možemo Vas izvjestiti da se održavanje javne rasvjete Kantona Sarajevo može kvalitetnije obavljati uz realno planiranje budžetskih sredstava za održavanje javne rasvjete Kantona Sarajevo, a to bi bilo po instaliranim kapacitetima za 2014. godinu minimalno 1.800.000 KM.

S poštovanjem

MINISTAR

Zlatko Petrović, dipl.pravnik

Dostaviti:

1. Naslovu
2. Sekretaru Vlade Kantona sarajevo
3. Evidencija
- 4.Arhiva



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1

